



FRotho eius nominis tertius, Danorum rex, filius fuit Fridleui eiusdem gentis regis. Hic septem annos natus sub tutorum patrocínio in regem Daniae susceptus fuit, anno creationis mundi ter millesimo noningentesimo quadragesimo. Erat is omnis generis uirtutibus & magna prudentia praeditus. Itaque primò finitimos reges bello laecephit, & sibi tributarios reddidit. Postea etiam Hunnorum regem aggressus, ingenti prelio superauit, atque suo tempore potentissimus monarcha in interiori Germania fuit. Itaque Saxo Grammaticus lib. 5. testatur, eius regnum ab Ortu Ruscia, ab Occasu Rheno flumine limitatum fuisse. Postea su-

am gentem certis legibus propositis mansuetiorem reddidit. Cum enim ante ipsius aetatem multi rapinis & furtis uiuerent, furtum capitali poena interdixit, atque in eum qui furi ignosceret pari poena animaduertendum decreuit. praeterea si quis in acie primus fugam inisset, eum a communi iure exclusit. Itaque tanta Frothoniana maiestatis authoritas erat, ut etiam aurum in publico expositum, perinde ac firmioribus claustris custoditum conseruaretur. Vnde cum multis uictorijs, per Ericum copiarum praefectum acquisitis, illustris esset, communi edicto pacem sanciuit, atque magna tranquillitate cum suis uixit.